

REGIONAL NEWS UNIT
ALL INDIA RADIO, AGARTALA

Date: 07-04-2024

Time: 07:55-08:05 PM Hrs
BENGALI EVENING BULLETIN

Headlines :

(১) পূর্ব ত্রিপুরা উপজাতি সংরক্ষিত লোকসভা আসনের নির্বাচনে মনোনয়নপত্র প্রত্যাহারের শেষ দিন আগামীকাল।

(২) নির্বাচন কমিশনের কর্মসূচিতে ভোটারদের সচেতন করে তোলার উদ্দেশ্যে আজ সকালে আগরতলায় এক বাই-সাইকেল দৌড় অনুষ্ঠিত হয়।

(৩) স্বাস্থ্য সচেতনতা বাড়াতে আজ উদযাপিত হচ্ছে বিশ্ব স্বাস্থ্য দিবস।

(৪) উপরাষ্ট্রপতি জগদীপ ধনখড় তরুণ পেশাদারদের ভারতকে একটি উন্নত দেশ হিসেবে গড়ে তোলার প্রচেষ্টার অংশীদার হতে আহ্বান জানিয়েছেন।

East Tripura Constituency:

পূর্ব ত্রিপুরা উপজাতি সংরক্ষিত লোকসভা আসনের নির্বাচনে মনোনয়নপত্র প্রত্যাহারের শেষ দিন আগামীকাল। উল্লেখ্য এই আসনের নির্বাচনে প্রতিদ্বন্দ্বিতার জন্য মোট ৯ জন প্রার্থী মনোনয়নপত্র জমা দিয়েছিলেন। গত ৫ই এপ্রিল স্কুটিনি শেষে সব ক'জন প্রার্থীর মনোনয়নপত্র বৈধ বলে বিবেচিত হয়। প্রার্থীরা হলেন, বিজেপির কৃতি দেবী দেববর্মণ, সিপিআই(এম)-র রাজেন্দ্র রিয়াং, আই এন পি টি'র শিব চন্দ্র দেববর্মা। তছাড়া নির্দল প্রার্থীরা হলেন কৃষ্ণ মোহন জমাতিয়া, দর্শন কুমার রিয়াং,

কল্প মোহন ত্রিপুরা, শত্ৰুঘ্ন জমাতিয়া, সন্তুজয় ত্রিপুরা ও অর্চনা ওরাং।
রাজ্য নির্বাচন দপ্তর সূত্রে এখন জানা গেছে।

Dhalai SP:

পূর্ব ত্রিপুরা লোকসভা আসনের নির্বাচনের ভোটগ্রহণ পর্ব শান্তিপূর্ণভাবে সম্পন্ন করার লক্ষ্যে ব্যাপক নিরাপত্তা ব্যবস্থা গ্রহণ করা হয়েছে। ধলাই জেলার পুলিশ সুপার অভিনাস রাই আকাশবাণীর সাথে এক সাক্ষাৎকারে আরও বলেন, জেলার সীমান্ত এলাকাগুলিতে নজরদারি বাড়ানো হয়েছে। ভোটারদের স্বতঃস্ফূর্তভাবে ভোটদান সুনিশ্চিত করতে সবধরনের ব্যবস্থা নেওয়া হচ্ছে বলে তিনি জানান।

All party meeting:

আসন্ন লোকসভা নির্বাচন সুষ্ঠু, সুন্দর এবং নিরপেক্ষ ভাবে সম্পন্ন করার লক্ষ্যে আজ কমলপুর থানার কনফারেন্স হলে মহকুমাস্তরে সর্বদলীয় বৈঠক অনুষ্ঠিত হয়। জেলার আরক্ষা দপ্তরের উদ্যোগে আয়োজিত এই বৈঠকে উপস্থিত ছিলেন ধলাই জেলার অতিরিক্ত পুলিশ সুপার মানবেন্দ্র চৌধুরী, কমলপুর মহকুমার অন্যান্য পুলিশ আধিকারিকরা। তাছাড়া সর্বদলীয় বৈঠকে বিজেপি, সিপিআইএম, কংগ্রেস, তিপ্রা মথা, সিপিআই, আমরা বাঙ্গালী, ফরোয়ার্ড ব্লকের মহকুমার নেতৃত্বরা উপস্থিত ছিলেন।

Cyclothon SVEEP:

ভোটারদের সচেতন করে তোলার উদ্দেশ্যে নির্বাচন কমিশনের SVEEP কর্মসূচীতে আজ সকালে আগরতলায় এক বাই-সাইকেল দৌড়ের আয়োজন করা হয়। পশ্চিমজেলা নির্বাচন আধিকারীক কার্যালয় অর্থাৎ পশ্চিমজেলা প্রশাসনের উদ্যোগে আয়োজিত এই বাই-সাইকেল দৌড় শুরু হয় আগরতলার উমাকান্ত একাডেমি প্রাঙ্গন থেকে। মুখ্যসচিব জে.কে সিনহা

এই সাইকেল দৌড়ের উদ্বোধন করেন। সাইক্লোথন ফাউন্ডেশান-এর সহযোগিতায় আয়োজিত সাইকেল দৌড় শহরের বিভিন্ন পথ পরিক্রমা করে ভোটারদের ভোটদানে উৎসাহ তৈরির বার্তা দেয়। অনুষ্ঠানে রাজ্যের মুখ্য নির্বাচন আধিকারীক পুনীত আগরওয়ালও সকলকে ভোটদানে এগিয়ে আসার আহ্বান জানান। উদ্বোধনী অনুষ্ঠানে উপস্থিত ছিলেন, পশ্চিম ত্রিপুরা লোকসভা আসনে নিয়োজিত সাধারণ পর্যবেক্ষক, পুলিশ পর্যবেক্ষক, ব্যয় নির্বাহ পর্যবেক্ষকগন, পশ্চিম ত্রিপুরা লোকসভা আসনের জেলা নির্বাচন আধিকারীক জেলাশাসক ডাঃ বিশাল কুমার, অতিরিক্ত মুখ্য নির্বাচন আধিকারীক সুভাশিষ বন্দ্যোপাধ্যায়, নির্বাচন দপ্তরের দূত জিমনাস্ট দীপা কর্মকার সহ আরও অনেকে।

BJP PRESS MEET:

রাজ্যে কংগ্রেস সিপিএম জোট মানুষকে বিভ্রান্ত করছেন বলে প্রদেশ বিজেপি সভাপতি রাজীব ভট্টাচার্যী অভিযোগ করেছেন। আজ আগরতলায় দলীয় কার্যালয়ে এক সাংবাদিক সম্মেলনে তিনি এই অভিযোগ করেন। তিনি কংগ্রেস সাথে সিপিএম দলের নির্বাচনী আঁতাতের তীব্র সমালোচনা করেন। সাংবাদিক সম্মেলনে উপস্থিত ছিলেন নির্বাচন ম্যানেজমেন্ট কমিটির কনভেনার তথা মন্ত্রী প্রণজিত সিংহ রায়, কমিটির কো-কনভেনার ডাঃ অশোক সিনহা, প্রদেশ বিজেপি মুখপাত্র সুব্রত চক্রবর্তী।

Jitendra Chowdhury:

সিপিআইএম রাজ্য সম্পাদক জিতেন্দ্র চৌধুরী আজ কয়েকজন বিএলও-র ভূমিকায় রাজ্যের মুখ্য নির্বাচনী আধিকারিকের কাছে অভিযোগ করেছেন। তিনি জানান, বনমালিপুর এবং প্রতাপগড় বিধানসভার দুইজন বিএলও বিজেপির প্রচারে অংশ নিয়েছেন। শ্রী চৌধুরী এই বিএলও-দের বিরুদ্ধে আইনত ব্যবস্থা নিতে আবেদন করেছেন।

BJP rally C.M. at Gabardi :

মুখ্যমন্ত্রী অধ্যাপক ডাঃ মানিক সাহা বলেছেন, প্রধানমন্ত্রী নরেন্দ্র মোদী প্রদর্শিত এক্ট ইষ্ট নীতির মাধ্যমে সমগ্র উত্তর পূর্বাঞ্চলে উন্নয়ন সাধিত হচ্ছে। আজ বিকেলে গাবর্দিতে বিজেপি আয়োজিত এক নির্বাচনী সমাবেশ মুখ্যমন্ত্রী একথা বলেন। তিনি বলেন, জনজাতিদের উন্নয়নে আইপিএফটি-র পাশাপাশি, তিপর মথা দলও রাজ্য সরকারে সামিল হয়েছে। মুখ্যমন্ত্রী, বিরোধী কংগ্রেস ও সিপিআই(এম) দলের ভূমিকার সমালোচনা করেন।

CPI (M) Campining Natunnagar :

নতুননগর স্কুল মাঠে এক সমাবেশে ইন্ডিয়া জুটের প্রার্থী আশীষ কুমার সাহার সমর্থনে বক্তব্য রাখতে গিয়ে বিজেপি সরকারের সমালোচনা করেন প্রাক্তন মুখ্যমন্ত্রী তথা সিপিএম পলিটবুরোর সদস্য মানিক সরকার। তিনি এবারের নির্বাচনে দেশের ও মানুষের স্বার্থে কেন্দ্রের সরকারকে জবাব দেওয়ার বার্তা দিতে সকলের প্রতি আহ্বান জানান। সভায় উপস্থিত ছিলেন বিধায়ক সুদীপ সরকার সহ অন্যান্য নেতৃবৃন্দ।

Bike rally :

বিজেপি'র বনমালীপুর যুব মোর্চার উদ্যোগে পশ্চিম ত্রিপুরা লোকসভা আসনে দলীয় প্রার্থী বিপ্লব কুমার দেবের সমর্থনে আজ এক বাইক রেলি সংঘটিত হয়। রেলিটি এম বি বি কলেজ প্রাঙ্গণ থেকে শুরু হয়ে শহরের বিভিন্ন পথ পরিক্রমা করে। রেলিতে উপস্থিত ছিলেন বিজেপি প্রার্থী বিপ্লব কুমার দেব, প্রদেশ বিজেপি সভাপতি রাজীব ভট্টাচার্য, মুখপাত্র নবেন্দু ভট্টাচার্য সহ অন্যান্য কার্যকর্তারা।

আজ পশ্চিম ত্রিপুরা আসনে ইন্ডিয়া জোটের প্রার্থী আশীষ কুমার সাহার সমর্থনে রোড শো ও পথসভা কর্মসূচি সংঘটিত হয় জিরানিয়া, মান্দাই, খয়েরপুর, কাশিপুর বাজারে। উপস্থিত ছিলেন ইন্ডিয়া জোটের প্রার্থী আশীষ

কুমার সাহা, সিপিআইএম নেতা পবিত্র কর, মানিক দে, রাধাচরণ দেববর্মা সহ অন্যান্য নেতৃবৃন্দ।

BJP door to door Ambassa:

পূর্ব ত্রিপুরা লোকসভা কেন্দ্রের বিজেপি মনোনীত প্রার্থী কৃতি দেবী দেববর্মার সমর্থনে আজ সকালে আমবাসার ডলুবাড়ী এলাকায় বাড়ি বাড়ি প্রচার করা হয়। প্রচারাভিযানে উপস্থিত ছিলেন ওবিসি মোর্চার ধলাই জেলা কমিটির সভাপতি গোপাল সূত্রধর ও অন্যান্যরা।

Publicity BJP:

উত্তর জেলার বিজেপি'র উদ্যোগে গঙ্গানগর কমিউনিটি হলে আজ এক সাংগঠনিক বৈঠক অনুষ্ঠিত হয়। উপস্থিত ছিলেন পূর্ব ত্রিপুরা আসনের বিজেপি প্রার্থী কৃতি সিং দেববর্মা, মন্ত্রী টিংকু রায়, বিধায়ক যাদব লাল নাথ এবং বিজেপির উত্তর জেলা সভাপতি কাজল দাস সহ অন্যান্যরা।

India Block Candidate Campaign:

পশ্চিম ত্রিপুরা লোকসভা কেন্দ্রে ইন্ডিয়া জোটের প্রার্থী আশীষ কুমার সাহা এবং রামনগর বিধানসভা কেন্দ্রে উপনির্বাচনে সিপিএম প্রার্থী রতন দাসের সমর্থনে আজ রামনগর বিধানসভা কেন্দ্রের জয়পুর এলাকায় এক নির্বাচনী সভা অনুষ্ঠিত হয়। সভায় উপস্থিত ছিলেন সিপিএম প্রার্থী রতন দাস, নারী নেত্রী রমা দাস, রাজ্য বামফ্রন্টের চেয়ারম্যান নারায়ণ কর প্রমুখ।

India Block Camping:

এদিকে, ইন্ডিয়া জোটের প্রার্থী আশীষ কুমার সাহার সমর্থনে আজ শান্তিরবাজার বিধানসভার তৈনানিতে এক নির্বাচনী সভা অনুষ্ঠিত হয়। সভায়

কংগ্রেস নেতা শব্দ কুমার জমাতিয়া, সিপিআই নেতা সত্যজিত রিয়াং ও সিপিআইএম নেতা পরীক্ষিত মুড়াসিং প্রমুখ বক্তব্য রাখেন।

Election Camping Belonia

নির্দল প্রার্থী মিলনপদ মুড়াসিং-র সমর্থনে আজ বিলোনিয়া শহরে নির্বাচনী শোভাযাত্রায় অংশ নেন আদি বিজেপি দলের প্রতিষ্ঠাতা সভাপতি পরীক্ষিত দেববর্মা, রামু বনিক, সুকান্ত পাল প্রমুখ। এদিন শহরের বিভিন্ন স্থানে প্রার্থী মিলন পদ মুড়াসিং-এর সমর্থনে পথ সভা হয়। সভায় প্রার্থী মিলন পদ মুড়াসিং সহ অন্যান্যরা বক্তব্য রাখেন।

Election campine at kakraban

বিজেপি দলের উদ্যোগে আজ কাকড়াবনে এক সমাবেশ অনুষ্ঠিত হয়। দলীয় প্রার্থী বিপ্লব কুমার দেবের সমর্থনে আয়োজিত এই সভায় বক্তব্য রাখেন বিধায়ক জিতেন্দ্র মজুমদার, বিজেপি দলের গোমতী জেলার সহ-সভানেত্রী সবিতা নাগ প্রমুখ ১

শালগড়া বিধানসভা কেন্দ্রের অন্তর্গত কুশামারা শক্তিকেন্দ্রের উদ্যোগে এক জনসভা অনুষ্ঠিত হয় ১

CPI (M) Campining-UNAKOTI :

ঊনকোটি জেলার পেঁচারথলে আজ ইন্ডিয়া জোটের এক মিছিল ও নির্বাচনী সভা অনুষ্ঠিত হয়।

এখানে ভাষণ দিতে গিয়ে পূর্ব ত্রিপুরা সংসদীয় আসনে ইন্ডিয়া জোট সমর্থিত সিপিআই(এম) প্রার্থী রাজেন্দ্র রিয়াং দেশে বেকারী ও জিনিসপত্রের দ্রব্যমূল্য বৃদ্ধির সমালোচনা করেন। সমাবেশে বক্তব্য রাখেন, সিপিআই(এম) নেতা সমর রায়। উপস্থিত ছিলেন, প্রাক্তন বিধায়ক অনিল

চাকমা, ফরোয়ার্ড ব্লকের রাজ্য নেতৃত্ব রঘুনাথ সরকার, কংগ্রেস নেতৃত্ব পি,কে,দেওয়ান প্রমুখ।

Meeting of BJP:

বিজেপি'র উদ্যোগে আজ সন্ধ্যায় কৈলাশহরের শ্রীরামপুর ট্রাই জংশনে এক সভা অনুষ্ঠিত হয়। এখানে বক্তব্য রাখতে গিয়ে সমাজ কল্যাণ ও সমাজশিক্ষা দপ্তরের মন্ত্রী টিংকু রায় আসন্ন লোকসভা নির্বাচনে কংগ্রেস ও সিপিআই(এম)-এর মধ্যে সমঝোতার সমালোচনা করেন। এই সভায় বক্তব্য রাখেন, বিজেপি'র প্রদেশ কমিটির সদস্য বিমল কর, দলের মন্ডল সভাপতি শ্যামকুমার সিংহ প্রমুখ।

World Health Day:

আজ বিশ্ব স্বাস্থ্য দিবস। স্বাস্থ্য সচেতনতা বাড়াতে আজ সারা বিশ্বজুড়ে উদযাপিত হচ্ছে বিশ্ব স্বাস্থ্য দিবস। বিশ্ব স্বাস্থ্য সংস্থা-র এর এবছরের ভাবনা-আমার স্বাস্থ্য আমার অধিকার।

World Health Day:

বিশ্ব স্বাস্থ্য দিবস উপলক্ষে আজ সন্ধ্যায় রাজভবনের দরবারহলে এক অনুষ্ঠানের আয়োজন করা হয়। রাজ্যপাল ইন্দ্রসেনা রেডিডি নাথু প্রদীপ জ্বালিয়ে অনুষ্ঠানের উদ্বোধন করেন। অনুষ্ঠানে অন্যান্যদের মধ্যে উপস্থিত ছিলেন, স্বাস্থ্য সচিব কীরন গিত্যে, অতিরিক্ত স্বাস্থ্য সচিব শ্রীমতী ব্রহ্মনীত কৌর, স্বাস্থ্য অধিকর্তা ডা: সঞ্জিব দেববর্মা।

খোয়াই মহকুমা আইন সেবা কমিটির উদ্যোগে এবং খোয়াই জেলা হাসপাতালের সহযোগিতায় আজ বিশ্ব স্বাস্থ্য দিবস পালন করা হয়। এ উপলক্ষে আজ সকালে জেলা হাসপাতাল প্রাঙ্গণ থেকে একটি রেলি বের

হয় এবং পরে খোয়াই বিআরসি হলে একটি সচেতনতামূলক সভা অনুষ্ঠিত হয়।

এদিকে, বিশ্ব স্বাস্থ্য দিবস উপলক্ষে গন্ডাছড়া দ্বাদশ শ্রেণী বিদ্যালয়ের এনএস এসের উদ্যোগে অনুষ্ঠিত হয় বিশেষ স্বাস্থ্য শিবির। গন্ডাছড়া মহকুমা পশ্চিম ষাটকার্ড এলাকায় এই শিবির অনুষ্ঠিত হয়।

PM:

নির্বাচনী প্রচারে অংশ নিতে প্রধানমন্ত্রী তথা প্রবীন নেতা নরেন্দ্র মোদি আজ বিহার, মধ্যপ্রদেশ ও পশ্চিমবঙ্গের একাধিক জনসভা ও রোড-শোতে অংশ নিচ্ছেন। বিহারে এক জনসভায় ভাষণ প্রসঙ্গে প্রধানমন্ত্রী বলেন, বিজেপি দল দেশের জন্য উৎসর্গীকৃত। আগামী দিনগুলিতে দেশের মানুষকে ভালো পরিষেবা কার জন্য তার দল বদ্ধপরিকর।

Vice-President:

উপরাষ্ট্রপতি জগদীপ ধনখড় তরুণ পেশাদারদের আগামী ২০৪৭ সালের মধ্যে ভারতকে একটি উন্নত দেশ হিসেবে গড়ে তোলার প্রচেষ্টার অংশীদার হবার আহ্বান জানিয়েছেন। শ্রী ধনখড় আজ IIM বোধগয়ার ৬ষ্ঠ সমাবর্তন অনুষ্ঠানে ভাষণ দিচ্ছিলেন। এর আগে তিনি সেখানে MBA-র শিক্ষার্থীদের ডিগ্রী প্রদান করেন। পরে উপরাষ্ট্রপতি বোধগয়ায় বিখ্যাত মহাবোধি মন্দির পরিদর্শন করে প্রার্থনা জানান।

Election Commision:

নির্বাচন কমিশন আসন্ন নির্বাচনে তরুণ ও শহুরে ভোটারদের আরও বেশি করে সংযুক্ত করার জন্য সোশ্যাল মিডিয়া প্ল্যাটফর্মে বেশ কয়েকটি উদ্ভাবনী ও অনন্য প্রচার শুরু করেছে। 'টার্নিং-18' এবং 'ইউ আর দ্য ওয়ান' নামক প্রচারের প্রাথমিক উদ্দেশ্য হল তরুণদের আসন্ন নির্বাচনে

অংশগ্রহনের জন্য আরও বেশি করে উদ্বুদ্ধ করা এবং তাদের অমূল্য অবদানকে স্বীকৃতি দেওয়া ও উদযাপন করা।

EVM comissioning Udaipur:

গোমতী জেলা নির্বাচনি আধিকারিক তথা জেলাশাসক তড়িৎ কান্তি চাকমা জানান, আজ উদয়পুর রমেশ স্কুলে নির্বাচনি কাজের জন্যে সকল ইভিএম, ও ভিভি প্যাট মেশিনের কমিশনিং-এর কাজ চলছে। উদয়পুর মহকুমার চারটি বিধানসভা কেন্দ্রের ১২৪টি বুথ এই মেশিনগুলি ব্যবহার করা হবে। সব রাজনৈতিক দলের প্রতিনিধিরা এই কমিশনিং কাজে উপস্থিতি ছিলেন ১

Training program:

বাড়ি বাড়ি গিয়ে ৮৫ বছর উর্ধ বয়স্ক ভোটার ও দিব্যাঙ্গ ভোটারদের ভোট গ্রহনের জন্যে বিশালগড় মহকুমার ভোট কর্মীদের প্রশিক্ষণ আজ শেষ হয়েছে। সিপাহীজলা জেলার অতিরিক্ত জেলাশাসক সুব্রত মজুমদার জানিয়েছেন পশ্চিম ত্রিপুরা লোকসভা আসনের জন্য আগামী ১০ থেকে ১২ তারিখ প্রতিদিন সকাল ৯টা থেকে বিকেল ৫টা পর্যন্ত চলবে বাড়ি বাড়ি এই ভোট গ্রহণের কাজ।

Ganja recovered:

সোনামুড়া থানার পুলিশ মহকুমার আনন্দপুরে একটি বাড়িতে অভিযান চালিয়ে মাটির নিচ থেকে প্রায় ৭৫৩ কে.জি শুকনো গাজা উদ্ধার করেছে। উদ্ধার হওয়া গাজার আনুমানিক বাজার মূল্য ৫০ লক্ষ টাকা বলে পুলিশ জানিয়েছে। এই ঘটনায় কাউকে গ্রেপ্তার করা সম্ভব হয়নি।

Women Cricket:

টিসিএ পরিচালিত মহিলাদের ঘরোয়া একদিনের সীমিত ওভারের ক্রিকেট প্রতিযোগিতার আজ অনুষ্ঠিত দুটি খেলায় তরুণ সংঘ কোচিং সেন্টার ও জুটমিল কোচিং সেন্টার জয়লাভ করেছে। তালতলা মাঠে অনুষ্ঠিত খেলায় জুটমিল কোচিং সেন্টার ৩১৬ রানের বিশাল ব্যবধানে চাম্পামুড়া কোচিং সেন্টারকে পরাজিত করে। এ ম্যাচের বিজয়ী দলের ইন্দ্রাণী জমাতিয়া অনবদ্য ১১২ রান করেন। এদিকে মেলাঘরে অনুষ্ঠিত অপর খেলায় তরুণ সংঘ কোচিং সেন্টার সহজে ১০ উইকেটে মৌচাক কোচিং সেন্টারকে হারিয়ে দেয়।
